



**nationale ombudsman**



**OMBUDSMAN**

SINT MAARTEN

Adrès pa debilbé: Postbus 93122, 2509 AC Den Haag

Presidente di Konseho di ministernan di Reino  
Señor drs. M. Rutte  
Postbus 20001  
2500 EA DEN HAAG

Apresiasiabel señor Rutte,

For di aña 2015 nos, e ombudsmannan di Reino, ta reuní anualmente. Nos ke enfatisá e sentido i nesidad di e instituto serka gobiernu aktivamente, i tambe nos ke deliberá tokante e desaroyonan importante i e problemanan ku ta hunga un ròl den reino.

Na 2016 a tuma lugá un reunion na St. Maarten anto na 2017 na Kòrsou. Na 2019 nos a papia ku Su Mahestat Rei durante su bishita di trabou na Nationale ombudsman na Den Haag.

E aña akí nos ke trese algun tópiko na atenshon di bo persona komo presidente di Konseho di Ministernan di Reino. E motibu pa kual e ombudsmannan akí lo ke trese esakinan na atenshon di bo persona ta pasó hopi di e problemanan akí no ta stòp na frontera di un pais. E pobresa di Karibe Hulandes tambe ta visibel den e otro paisnan ku ta forma parti di Reino den Karibe. E krisis di korona virus a empeorá e situashon pa hopi. E kondishonnan ku Hulanda a pone komo rekisito pa e sosten di likidashon, en partikular e bahada obligatorio di gastunan di personal, lo ta devastador en especial pa esnan mas vulnerabel den e komunidad. Esaki no por tabata e intenshon di e gobièrnu di reino. E efektonan di e medida akí ta aumentá e desigualdat sosial i ekonómiko den reino mas i no ta benefisiá e demokrasia di e paisnan den e parti Karibense di reino.

Señalnan importante ku nos lo ke duna ta trata di e situashon na St. Maarten kaminda ainda no tin un plan stratégiko pa restourashon di e daño okashoná dor di orkan Irma. Tantu den e karta di ombudsman di St. Maarten komo esun di Nationale ombudsman ta referí na e situashon akí. Pa Kòrsou aktualmente e tópickonan mas importante ta primeramente e pobresa eksistente ku ta aumentando tur dia i e problema di aksesio na awa limpi pa e miembronan mas vulnerabel den komunidad.

Aparte di esaki refugiadonan for di Venezuela ta un problema den tur pais. En especial e falta di proseduranan adekuá i fasilidatnan di refugio a keda menshoná na varios okashon. Pa loke ta trata e situashon di ekstranheronan na Kòrsou, nos ta referí na e rapòrt datá 22 di yùni 2020, di Komishon Meijers, komishon permanente di ekspertonan den derechonan internashonal di ekstranheronan, indokumentadonan i komishon di derechonan penal.

E tópickonan akí ta konosí kaba serka e gobièrnunan manera indiká den e kartanan athuntu di ombudsman di St. Maarten, Gwendolien Mossel, Nationale ombudsman, Reinier van Zutphen, i e ombudsman di Kòrsou, Keursly Concincion. Tambe manera probabelmente ya ta konosí, Aruba ainda no tin un instituto di Ombudsman. Pa e motibu akí, suidadanonan Arubano no tin e oportunitat di trese

Pagina 1

**Datum**

8 juli 2020

**Onderwerp**

Brief ombudsmannen  
Koninkrijk

**Ons nummer**

1494586

**Bijlage(n)**

3

**Contactpersoon**

xxxx

**Nationale ombudsman**

Bezuidenhoutseweg 151  
2594 AG Den Haag

Postbus 93122

2509 AC Den Haag

T 070 356 35 63

secretariaat@nationaleombudsman.nl  
www.nationaleombudsman.nl



**nationale ombudsman**



**OMBUDSMAN**

SINT MAARTEN

nan kehonan referente akshonnan di gobièrnu na un instituto ku ta independiente i neutral. Un desigualdat den Reino.

Pagina 2/2

Gustosamente e ombudsmannan di Reino lo ke kombersá tokante e tópikonan akí pa konhuntamente den Reino yega na un solushon.

**Ons nummer**

1494586

OMBUDSMAN DI ST. MAARTEN  
Gwendolien Mossel

NATIONALE OMBUDSMAN  
Reinier van Zutphen

OMBUDSMAN DI KORSOU  
Keursly Concincion